

جَزَائِرِ حَاكِمَتِ

جمعه ایرتسی

نومرو	رمضان	سنه	كانون ثانی	سنه	صفحه
۱۰۶۵	۱۹	۱۳۱۷	۸	۱۳۱۵	۱۵۳۵۷

(اشبو غزنه بهر هفته جمعه ایرتسی کونلری یبقار . نه لکی در سعادت ایچونه مجیدیه بکرمی غروسه)
 (مسایید التمه غروسه . طشه لر ایچونه اوله بسه غروسه یوسه اهرتی ضم اولنور . بهر)
 (نسف سی یه مجیدیه بکرمی غروسه اولو اوزره یوز یاره به هریده صایلور . درج اوله جهو اعلوانتک)
 (هر برنده بر مجیدیه اخذ اولنور . نه لکنه مشتری اولو استیانتلر عدلیه نظارتی دأره سنده لانه جریده)
 (محاکم اداره نه مراجعت ایلملیر .)

قسم غیر رسمی

طاشلیجه قصبه سنک حسین پاشا محله سی
 ساکنلرندن متوفی شا کراغانک زوجہ سی واولاد
 صغارینک وصیسی نظیفه خانم وورثه کباری
 بولنان محمد و عثمان وخیر الدین ونصوح افدیبلر
 ایله اسکوب قصبه سنک ابن عمر محله سنده مقیم
 سابق دفتر خاقانی مأموری شکری افندی بینده
 متکون دعویاه دائر قوصوه استیناف محکمه سندن

۱۲ کانون ثانی سنه ۳۱۱ تاریخی ویکرمی یدی
 عددی ایله ویریلان اعلام ورثه مومی الیهم
 وکیلی مصطفی جمال الدین افندی جانبندن تمیز
 ایدملکله باش مدعی عمومیلک مأموریت علیه سنک
 مطالعه نامه سی التدقندن صکره اعلام مذکور
 طرفینک اعتراض وجواب لایحه لر یله بالمطالعه
 تدقیقات تمیزیه اجراسنه ابتدار قلندی

اعلام مذکورک خلاصه مالی مومی الیه
 شکری افندی کندوسنک اسکوبک اسحاقیه محله سنده

مقیم سلیم اغایه اولان کفالتی حسبیله متوفی
شا کر اغا ورثه سنه با اعلام محکوم اولدینی اون
یدیییک طقوز یوز یتش ایکی غروش دینندن
طولانی ورثه مومی الیهیم وکیل صالح افندیکنک
حاز اولدینی وکالت و ماذونیتته بناء اون التیییک
غروشه عقد صلح ایدلش و بدل صلحدن اوچییک
غروشنی دخی وعده معینه انقضاسنده تماماً
مومی الیه صالح افندی به اعطای ایتدیکی حالد
وکیل مومی الیهک اصل ورثه نک وکیل عمومیلری
بولنان علی اغا جانبندن عزل ایدلیکی بیانیله
صلح معقود کائن لم یکن حکمنده طوثلوق ایستیلهرک
کندوسنک کیره متلک قریه سنده کائن معلوم الحدود
یدی قطعه ده قرقر طقوز دوئم مقداری اراضیسی
ورثه مومی الیهیم جانبندن تحت حجزه التمش
اولدینندن بختله حجز واقعک فکیله بوبابده
دوچار اولدینی اون ایکی بیک غروش ضرر
وزیانک ورثه مومی الیهمدن تحصیلنی اسکوب
بدایت محکمه سنه بالمراجعه طلب ودعوی وعقد
صلحه دائر اولان مقاوله سندیله جهت کفالتدن
اولجه محکومیتنی متضمن اولان اعلامی ابراز
واعطای ایتسنه قارشو وکیل مومی الیه مصطفی
جمال الدین افندی دخی مؤکلرینک وکیل
عمومیلری اسپاهوی علی اغا اولوب مومی الیه

اسباب قانونیه دن طولانی فسخندن صکره اساس
ماده حقنده سبق ایدن محاکمه و تدقیقات استینافیه
نتیجه سنده ورثه مومی الیهیمک وکیل اولی مرقوم
علی اغا وکیل ثانیسی مومی الیه صالح افندی
اولوب عقد صلح ایسه شوصورتله وکالتی صحیح
بولنان وکیل ثانی مومی الیه صالح افندی ایله
پیتنده وقوعبولش اولسینه مومی الیه صالح افندی
ورثه جانبندن عزل اولمخدیقه وکیل اولک
عزلیله منعزل اولیه جنی کی قبضنه دخی ماذونیتی
اولدینندن وکیل مومی الیه معرفتیه معقود
صلحک ورثه کبار حقارنده نفاذ واعتبارینه و فقط
ضرر فاحشی مؤدی اولسندن طولانی ورثه صغار
حقنده غیر معتبر بولنان صلح مجبوت سببیله صغار
مرقومه نک فرق فیثاندن ناشی متضرر اولدقلمی
بالحساب اکلاشیلان طقوز یوز یتش بش غروشک
مومی الیه شکری افندیدن تحصیلنه حکمدن
ومستدعی تمیز ورثه مرقومه وکیل مصطفی
جمال الدین افندیکنک لایحه سنده محرر اعتراضاتک
باشلوجه سی دعوانک استینافاً تدقیقی صره سنده
اوراق استینافیه نک شرائط قانونیه دأره سنده
تنظیم اولمخدیغی کی شرائط استینافیه جمله سنندن
بولنان کفالت سندینک دخی قانونه عدم موافقتی
درمیان اولنمی اوزرینه محکمه جه اول امرده

بوجهت حقنده برقرار ویرلمک لازم کلورکن
بوجهتدن ذهول اولنمی یولسز و مغایر قانون
اولدینندن بختله اعلام مذکورک نقضی
استدعاسندن ومدعی علیه شکری افندیکنک
لایحه سنده مندرج نتیجه اجوبه سی دخی حکم
واقع موافق اصول وقانون ایدوکی بیانیله اعتراضات
مسروده نک ردی واعلامک تصدیقی وسالف الذکر
مطالعنامه مندرجاتی دخی شرائط استینافیه نک
قانونه عدم موافقتدن بختله درمیان ایدیلان
اعتراضاتک مسکوت عنه قالدیغی متضمن اولهرق
لایحه ده سرد ایدیلان اعتراضک موافق قانون
کورلدیکی بیاندن عبارتدر

ایجابی مذاکره اولندقدده اعلام مذکور
مطالعه سنندن اکلاشلدیغی اوزره انسانی محاکمه
استینافیه ده شرائط استینافیه نک قانونه عدم موافقتدن
بختله سرد ایدیلان اعتراضک محکمه جه اول امرده
بالتدقیق قبول ویا ردینه دأر برقرار اتخاندن
صکره اساس ماده نک تدقیقه کیریشلمک ایجاب
ایدرکن محکمه جه بویوله برقرار اتخاذایدلمکسزین
اساس حقنده حکم ویرلمی مغایر قانون اولدینی
کی مستدعی تمیزک باشلوجه اعتراضیه انف الیاب
مطالعنامه مالی دخی بوجهته متدأر اولهرق شایان قبول
کورنش اولدینندن اصول محاکمه حقوقیه قانونک

ایکوزاوتوزایکنجی ماده سی موجب اعلام مذکورک
نقضیه قانون مذکورک ایکوز قرق دردیجی
ماده سی حکمیه توفیقاً کیفیتک بوجه مشروح اعلامه
ربطی ضمنده محکمه مذکوریه اعاده سنه وزیرده
مفرداتی مرقم اوچوز طقسان اوچ بچق غروش
مصارف تمیزیه نک ایلروده حقسنر چقه جق طرفه
رجوع ایتک اوزره اول امرده مستدعی تمیز
ورنه مرقومه دن اخذینه ۷ تشرین اول سنه ۳۱۲
تاریخنده متفقاً قرار ویرلدی .

نفس انقرده مقیم سپاهی اوغلی وچین ایله
جبق اباد قصبه سنک انجلیق قریه سنده مقیم درویش
اوغلی ملا مصطفی پینده متکون دعوایه دأر
جبق اباد بدایت محکمه سنندن ۲ اغستوس سنه
۳۱۳ تاریخی و اوچ عددی ایله ویریلان اعلام
مرقوم ملا مصطفی طرفدن تمیز ایدملکه اعلام
مذکور یالکز مستدعینک اعتراض لایحه سیله
بالمطالعه تدقیقات تمیزیه اجراسنه ایتدار اولندی

اعلام مذکورک خلاصه مآلی مرقوم
وچین اغانک مزبور ملا مصطفی ذمتنده جهت

کفالتدن التیوز قرق طقوز و باسند بیک التی
غروشکه جمعاً بیک التیوز الی بش غروش
مطلوبی اولدیغندن مع فائض تحصیلنی طلب وادعا
وبرقطعه سند ابراز واعطا ایتسنه قارشو
مدعی علیه مرقوم ملا مصطفی دخی متوفی
پدرلرینک حال حیاتنده مرقوم وچین اغانه
اون اوچبیک کسور غروش دینی اولوب
بعد التسلیمات درتیک غروش بورجی قالدینی
والتیوز کسور غروش ایسه قائمه اچقه الوب
بونک دخی برادرلریله برابردینی اولدیغنی مدافعه
درمیان ایتسی اوزرینه اولباده اجرا قلنسان
محاکمه و تدقیقات نتیجه سنده مدعی علیه مرقومک
پدرینک حال حیاتنده باسند دینی اولان اون
اوچبیک غروشه محسوباً سکز بیک اوچوز
الی برغروش تسلیماتی وقوعبولوب متباقی درت
بیک التیوز قرق طقوز غروشی تسویه ایتمکسزین
وفات ایتدیگندن اوغللری مرقوم مصطفی و ابراهیم
واسماعیل واحمدک مبلغ مزبورک ایفاسنه کفیل
بالمال اولدقلری هامش سننده محرر امضالریله
ثابت اولمش بولندیغندن بوندن مدعی علیه مرقوم
ملا مصطفی آنک حصه سنه اصابت ایدن بیک کسور
غروش ایله جهت کفالتدن دینی اولوب عندالحاکمه
اقرار اولسان التیوز قرق طقوز غروشک

ایکن بوجهتک دخی نظر دقته التمسزین مبلغ
مذکورک نقد اوله رق تحصیلنه حکم ایدلسی بولسز
واصول وقانونه مخالف بولمش و مستدعی تمیزک
لایحه سننده بوجهتله متدأر اولان اعتراضاتی
موافق نفس الامر کورلش اولدیغندن اصول
محاکمه حقوقیه قانوننک ایکوز اوتوز ایکنجی
ماده سی موجب اعلام مذکورک نقضیه قانون
مزبورک ایکوز قرق دردیجی ماده سی حکمیه
توفیقاً کیفیتک بالرؤیه اعلامه ربطی ضمنده
محکمه مرقومه یه اعاده سنه وزیرده مفرداتی مرقم
اوچوز طقسان اوچ بچق غروش مصارف
تمیزیه نک ایلروده حقسنر چقه جق طرفه رجوع
ایتک اوزره اول امرده مستدعی تمیزدن اخذینه
۹ کانون اول سنه ۳۱۳ تاریخنده متفقاً قرار
ویرلدی .

عکا اها لیسندن فوآد سعداقدی ایله مالیه خزیننه
جلیله سی پینده متکون دعوایه دأر عکا بدایت
محکمه سنندن ۲۵ ایلول سنه ۳۱۲ تاریخی ویکرمی
عددی ایله صادر اولان اعلام مومی الیه فوآد

محله نک یتش طقوزنجی و بیک سکز یوز اون
سکزنجی ماده لری احکامنه توفیقاً مدعی علیه
مرقوم ملا مصطفی ادن تحصیلنه حکمدن واشبو
حکم علینده مستدعینک لایحه سننده محرر
اعتراضاتک خلاصه سی محکمه جه مدار حکم
اتخاذ اولنان سندک عیناً ویا مآلی اکلاشیله جق
صورته خلاصه اعلام تمیزیه درج و تنیق
اولنامسی و مبلغ مدعایک قائمه اچقه اولدینی
عند الحاکمه درمیان قلنمش ایکن بوجهت حقنده
دخی برکونه تدقیقات لازمه اجرا اولتمکسزین
حکم ایدلسی مفاقر قانون اولدیغندن محله اعلامک
نقضی استدعاسندن عبارتدر

ایجابی لدی المذاکره اعلام مذکور
مطالعه سنندن مستبان اولدینی اوزره مبالغ
مدعایک جنس وجهتی ومدیونک کیم ایدوکی
وکفالتک نوعی اکلاشلق اوزره مستند ادعا
اولان سندک عیناً ویا خود بوجهتله حقنده
مآلی صحیح استنباط اولنور صورته مآلاً
اعلام تمیزیه درج ایدلسی لازم کلور ایکن
بوجهتدن ذهول اولنسی و مبالغ مدعایک قائمه
اچقه ایدوکی یولنده مستدعی تمیزک سبق ایدن
افاده سی اوزرینه تدقیقات مقتضیه اجرا قلنرق
تبیین ایدمک حاله کوره حکم اولتمق لازم کلور

سعد افندی جانبندن تمیز ایدلکله باش مدعی
عمومیلک مأموریت علیه سنک مطالعه نامه سی الندقدن
صکره اعلام مذکور یالکز مستدعینک اعتراض
لایحه سیله بالمطالعه تدقیقات تمیزیه اجراسنه ابتدار
قلندی

اعلام مذکورک خلاصه مآلی مومی الیه
فواد سعد افندی صفد قضای ملحقانندن رشیا
قریه سی اراضی داخنده وادی الفانده واقع
معلوم الحدود بشی مهور وایکی خراب یدی
عدد طاش دکرمانی عکا مجلس اداره سنک
مضبطه سی موجبیه بالمزایده تقرر ایدن اون اوج
بیک یوز یتش بش عدد سیم مجیدیه بدل مقابلنده
اشترا ایدرک بدل مبیع دخی خزینة جلیله نک
۱۵ و ۱۶ مارت سنه ۲۸۹ تاریخلی ایکی قطعه
علم و خبری موجبیه عکا مال صندوقه تأدیه
واضا ومذکور دکرمانلرک معامله فراغیه
وتسلیمیه سی اجرا قلنش ایکن بونلردن اوجوزه
نامیله معروف اولان دکرمانک پدرلرندن
کندولرینه موروث منتقل اولدینی بیانیه سعید
الحاج قاسم و برادری احمد طرفندن اقامه اولنان
دعوی نتیجه سنده مذکور دکرمانه بالحا که حق
تملک لری ثابت اولدیغندن مذکور دکرمانک

مرقومانه تسلیمه دائر بدایة صادر اولان اعلام
تمیزاً دخی تصدیق اولمغله کسب قطعیت ایتش
اولدیغنه مبنی ۲۳ تشرین اول سنه ۸۹۲ تاریخلی
مصالحه نامه موجبیه مرقومانه اعطا ایتدیکی اون
سکزیبک یوز قرق غروش مصارف محاکمه الیه
مذکور دکرمان بدلک من حیث المجموع حاصلی
اولان سکسان یدینیک غروشک کشیده ایتدیکی
اخطار نامه تاریخندن اعتباراً مع فائض خزینة
جلیله دن تحصیلنی طلب ودعوی ایتسنه قارشو
خزینة جلیله وکیلی دخی مذکور دکرمانلرک
اثمان مبیعه سی دائره سی صندیغنه داخل اولدینی
جهتله دعوی مذکورک طابو دائره سی علیه
اقامه سی لازم کلوب خزینة جلیله به خصومت
توجه ایتیه جکئی مدافعة درمیان ایتیمی اوزرینه
اجرا قلنان محاکمه وتدقیقات نتیجه سنده مذکور
دکرمانلرک هر تقدیر مزایده وضعی و بیع
وفروختی عکا لوا مجلس اداره سی معرفتیه اجرا
قلنش ایسه ده مذکور دکرمانلر دفتر خاقانی به
عائد محلولاتندن اولدینی واثمانی دفتر خاقانی به اعطا
ایدلیکی واثمانندن عائداتلری دخی استیفا قلندی
قیود رسمیه دن مستبان اولدیغندن مدعی ایچون
خضم لوا دفتر خاقانی مأموریتی اوله جنی جهتله
خزینة جلیله به خصومت توجه ایتیه جکئی حکمندن

ومستدعی تمیزک اشبو حکم علیه نه لایحه سنده
محور اعتراضاتک باشلوجه سی مذکور دکرمانلرک
اثمان مبیعه سی خزینة جلیله به تسلیم قلندی
خزینة وکیلک اقراریه ثابت اولدینی جهتله
خصومتک خزینة مشارالیه به توجهی طبیعی ایکن
بدل مبیعک طابو صندیغنه داخل اولدیغندن
بجمله اعلامک نقضی استدعاسندن و سالف الذکر
مطالعه نامه مآلی ایسه لایحه اعتراضیه ده درمیان
اولنان اعتراضات موافق قانون کوریه مدیکی
بیانندن عبارت بولمشد

ایجابی مذاکره اولندقد اعلام مذکور
مطالعه سنندن منفهم اولدینی اوزره منازع فی
دکرمانلر خرابه سنک لوا مجلس اداره سی معرفتیه
مستدعی تمیزه بیع وفروخت ایدلش واثمانی دخی
مستدعی مرقوم طرفندن محلی مال صندیغنه
تسلیم اولنش اولسنه کوره بوبابده خصومت
انجیق محلی مال مأموریتیه توجه ایده جکی و ثمنک
دفتر خاقانی نظارتیه تسلیمی اداره تین پیننده جریان
ایتمش بر معامله اولوب تغییرینی موجب اوله میه جنی
امر اشکار اولدینی حاکمه جیه خصومتک
محلی مال مأمورینه عدم توجهنه قرار ویرلمی
مغایر قانون بولنش اولدیغندن اصول محاکمه
حقوقیه قانوننک ایکوز اوتوز ایکجی ماده سی

موجبیه اعلام مذکورک نقضه وقانون مذکورک
ایکوز قرق دردنجی ماده سی حکمه توفیقاً
کیفیتک بوجه محور رؤیتی ضمنده محله اعاده سنه
وزیرده مفرداتی مرقم اوچوز الی بر بچق
غروش مصارف تمیزیه نک ایلروده حقسر
چیه جق طرفه رجوع ایتک اوزره اول امرده
مستدعی تمیزدن اخذیه ۱۲ تموز سنه ۳۱۴
تاریخنده اکثریتله قرار ویرلدی .

بک اوغلنده ساقز اغاجی جاده سنده نومروس
خانه ده ساکن ایکن الیوم پارسده مقیم دوقنور
بدروس ترابیان افندی الیه قاسم پاشاده اوزون
یولده بالبان بوستاننده ساکن بانچوان یوان پیننده
متکون دعویاه دائر محکمه استیناف حقوق
قسمندن ۳ تشرین ثانی سنه ۳۱۳ تاریخلی و یوز
سکسان الی عددی الیه ویریلان اعلام مومی الیه
بدروس افندی طرفندن تمیز اولمغله اعلام
مذکور طرفینک اعتراض وجواب لایحه لریله
بالمطالعه تدقیقات تمیزیه اجراسنه ابتدار اولندی
اعلام مذکورک خلاصه مآلی مرقوم

یوان اطه کبیرده یکی باغچه زقاغنده واقع معلوم الحدود باغچه بی متصرفی بولسان عقاراتچی یواندن ۲۶ تشرین اول سنه ۳۰۷ تاریخندن اعتباراً درت سنه مدت و سنوی اوتوز بش لیرا اجرتله باقونطوراتو استیجار ایتیش ایسه ده اخیراً مرقوم یوان مذکور باغچه دن اوچیک کسور ذراع محلی مومی الیه دوقور بدروس افندی به فراغ ایتیش و مومی الیه دخی هنوز قونطوراتو مدتی منقضیه اولقسزین باغچه مذکور کورک دیوارینی دلوب درونه دخول ورنجبرلر معرفتیه برخیلی طاش و سائر نقیله درون باغچه ده دیکلمش اولان حبوباتی سوکوب محو ایله تفرغ ایلدیکی محک تفریقی ضمننده بر دیوار انشاسنه تثبیت ایتیش اولدیغندن بختله دیوارک هدمی و محو ایتیش اولدیغی حبوباتک قیتملرینک تضمینی بک اوغلی بدایت محکمه سی برنجی حقوق داره سنده طلب و دعوی و بر درجه قدر محاکمه وجاهیه اجرا قلمش ایسه ده اخیراً تعیین اولنان کونده مدعی علیه ترابیان افندی کلامش اولدیغندن تعیین قننان وکیل مسخر حضوریه جریان ایدن محاکمه و کشف و تدقیقات نتیجه سنده مدعی یوانک مدعی علیه ترابیان افندی طرفندن محو و تلف ایدیلان سبزه بدلی اوله رق درتیک طقوز یوز

غروشه بر سته لک میوه بدلی بولنان ایکی بیک اوچوز غروشی طلبه حتی اوله بیلوب فضلہ سی دعوا به حتی اولدیغندن ردیله مبلغ مذکورک مع فائض بالغ اولدیغی یدیک بشیوز طقسان درت غروشک ترابیان افندی تحصیلنه و مذکور دیوارک هدمیله مأجورک مدعی یوانه تسلیمه دار محکمه مذکورده دن عن الغیاب صادر اولان اعلام علیهنده مزبور ترابیان افندی طرفندن اعتراض علی الحکم عرضحالی اعطا قلمشی اوزرینه وجاهاً جریان ایدن محاکمه و تدقیقاته محل مذکورکی حین اشتراده مستأجر مرقوم یوان دخی حاضر و کند و سندن استیجاره طالب اولدیغی و بوجهتله حق استیجارینی اسقاط ایتیش ایدوکنی و بوضورتی شهود شخصیه اقامه سیله اثبات ایده چکنی مزبور ترابیان افندی افاده ایتیش اولسی حبسیله بوجهت حقنده شهود شخصیه استماعنه دار محکمه مذکورجه اتخاذ قننان قرارک عند الاستیناف فسخیه جریان ایدن محاکمه و تدقیقات نتیجه سنده سالف الذکر باغچه دن مفرز محلی حین تفرغده مستأجر مرقوم یوانک حق استیجارینی ترک و اسقاط ایتیش اولدیغی حقنده کی دفعی ترابیان افندی اصولی داره سنده اثباتدن اظهار عجز ایلدیکنه و بوبابده مرقوم یوانه توجه ایدن یعنی تکلیفدن دخی

امتناع ایتدیکنه بناء بوبابده کی مدافعه نک ردینه و ضرر مذکورک مقداری حقنده کی کشفک یولسزلغندن طولانی دفعه ثانیه ده اجرا ایتدیریلان کشفده مستأنف علیه ترابیان افندی طرفندن محو و تلف ایدیلان سبزه بدلی درتیک التیوز التمش طقوز میوه بدلی ایکی بیک اوچوز غروشکه جمعاً التییک طقوز یوز التمش طقوز غروش اولدیغنک تحقیق ایلدیکی اعلام مستأنف به ده کورلش و کشف مذکورک یولنده و اصول و قانونه موافق بولنش اولغله مذکور التییک کسور غروشک فاضلیله برابر ترابیان افندی تحصیلنه و مدتک مروری حبسیله مأجورک تسلیمه محل اولدیغنه حکمدن و مستدعی تمیز ترابیان بدروس افندیکنک اشبو حکم علیهنده لایحه سنده محرر اعتراضاتک خلاصه سی بدایت محکمه سنجیه ویریلان قرار شهود شخصیه نک استماعنه دار قرار قرینه دن عبارت اولوب عند الاستیناف قرار مذکورک فسخ و یاخود تصدیقیله کیفیتک بدایت محکمه سنده اعاده سی لازم کلور ایکن محکمه به بوضورت نظر اعتنایه الخمسزین بوجه محرر قرار ویرلسی مغایر قانون اولدیغندن بختله اعلامک نقضی استدعاسندن و مدعی علیه یوانک لایحه سنده مندرج نتیجه جوابی دخی اعتراضات

مسروده نک واهی و بی اساس اولدیغی بیانیله ردی و موافق اصول و قانون اولان اعلامک تصدیقی طلبندن عبارت بولنشدر

ایجابی مذاکره اولندقدہ اعلام مذکور مطالعه سندن منقہم اولدیغی اوزره مستأجر یوانک استیجاره طالب اولسی کیفیت بر عقدی متضمن اولماسی جهتیله بونک شهود شخصیه اقامه سیله اثباتی جائز اولغله برابر دعوی واقعه هنوز حکم قطعی ویریه بیلجک درجه به کلامش اولسنه کوره بعد الفسخ کیفیتک بدایت محکمه سنده اعاده سی مقتضی ایکن استینافاً رؤیت مصحت اولغسی مغایر قانون اولدیغنه و مستدعینک اعتراضی دخی بوجهت متدار اوله رق شایان قبول بولندیغنه بناء اصول محاکمه حقوقیه قانونک ایکوز اوتوز ایکنجی ماده سی موجبیه اعلام مذکورک نقضیه قانون مذکورک ایکوز قرق دردیجی ماده سی حکمنه توفیقاً کیفیتک صور محرره داره سنده اعلامه ربطی ضمننده محکمه مذکوریه اعاده سنده وزیرده مفرداتی مرقم درتیوز اوج بحق غروش مصارف تمیزیله نک ایلروده حقسز چقه حق طرفه رجوع ایتک اوزره اول امرده مستدعی تمیز مومی الیه ترابیان افندیکنک الخمسنه ۲۹ مارت سنه ۳۱۴ تاریخنده متفقاً قرار ویرلدی .

معموره العزیز ولایتہ تابع زبوء ناحیہ سنک
قزل اوشاغی قریہ سی اہالیسنندن علی اغا زاده
حاجی خلیل اغا ایله ولایت مذکورہ تبع ایزولی
قریہ سی اہالیسنندن قائم اغا زاده علی اغا پینندہ
متحدت دعویہ دائر معموره العزیز استیناف
محکمہ سنندن ۲۶ حزیران سنہ ۳۱۲ تاریخ
ویدی عددی ایله صادر اولان اعلام مرقوم
حاجی خلیل اغا طرفندن تمیز اولمغسلہ اعلام
مذکور یالکیز مستدعینک اعتراض لایحہ سیلہ
بالمطالعہ تدقیقات تمیزہ اجر اسنہ ابتدار اولندی

اعلام مذکورک خلاصہ مآلی مرقوم علی اغا
ایله برادری عبدہ اغا میانہ لرنندہ متکون در تیوز لیرا
دعوا سنندن مزبور حاجی خلیل اغا واسطہ سیلہ یوز
لیرایہ صلح اولوب بدل صلح مذکور ی مدیون
مرقوم عبدہ اغا مزبور حاجی خلیل اغا اوزرینہ
حوالہ ایدوب مزبور علی اغا دخی حوالہ
مذکورہ بی قبول ایتدکدن صکرہ اولبایدہ تنظیم
وطرفین پینندہ تعاطی اولنان سند اخیراً ضایع
ایدلیکی کی مذکور صلحک فاسداً منعقد اولدینی
ادعا اولمسی وبوصورت خصم جانبندن انکار
ایدلسی اوزرینہ محکمہ مذکورہ جہ صلحک
مدعی علیک نفسنہ اضافہ واقع اولدینک مدعی

ایجابی مذاکرہ اولدقدہ اعلام مذکور
مندرجاتندن منفہم اولدینی اوزرہ مدعینک
اساس دین ایله انی ناطق اولان سنندک ضایع
اولدینی طرفین پینندہ تعاطی ایدیلان پروتستو

وجوابنامہ مآلری ایله مؤید اولدینی جہتہ
اولبایدہ کی الہ جفنگک وصورت ضایعک شہود
شخصیہ اقامہ سیلہ اثباتی مجاز اولدینہ دائر بدایہ
اتخاذ قلنان قرار قرینہ موافق اصول وقانون
اولدینی حالہ عند الاستیناف قرار مذکورک
فسخیلہ شہود استماعنہ مسامح قانونی اولدینندن
بجئلہ معارضیہ صورت قطعیدہ قرار ویرلمسی
یولمنز واصول وقانونہ مغایر اولدینہ بناء
اصول محاکمہ حقوقیہ قانوننک ایکوز قرق
برنجی مادہ سی موجبہ اعلام مذکورک نقضنہ
وقانون مزبورک ایکوز قرق در دنجی مادہ سی
حکمہ توفیقاً کیفیتک بالرؤیہ اعلامہ ربطی
ضمنندہ محکمہ مذکورہ اعادہ سنہ وزیردہ
مفرداتی مرقم اوچیوز سکسان سکز بحق غروش
مصارف تمیزینک ایلرودہ حقسنز چیقہ جق
طرفہ عائد اولمق اوزرہ اول امردہ مستدعین
استیفاسنہ ۴ مارت سنہ ۳۱۳ تاریخندہ متفقاً قرار
ویرلدی .

اعلام مذکورک خلاصہ مآلی مومی ایہ
خالص بک ورققاسی ایله مرقوم مقصود اغا
پینلرنندہ متحدت بدل ایجار دعوا سنندن طولای
تکفور طاغی بدایت محکمہ سنندن صادر اولان
اعلام علیہندہ مومی ایہ مقصود اغا طرفندن
اقامہ اولنان استیناف دعوی اوزرینہ
مستأنف علیہم مومی الیہمک عدم اجابتلری
جہتلہ غیابلرنندہ وکیل مسخر تعینلہ جریان ایدن
محاکمہ وتدقیقات تیجہ سنندہ حکم ابتدائینک
فسخیلہ مستأنف علیہم مرقومونک بدایہ مدعی
بولندقلری حالہ دعوتہ اجابت ایتما ملرنندن

تکفور طاغی قصبہ سنندہ یکی کمرک جادہ سنندہ

طولای حق محاکمه‌نک موقه سقوطه قرار
ویرلش ایسه ده اشبو حکم علیهنده مومی الیهیم
خالص بک ورفقاسی طرفلرندن اعتراض
علی الحکم دعواسی اقامه ووجاهاً جریان ایدن
محاکمه ده مرقوم مقصود اغادن بدایه طلب
ایلدکلری اچیه سکر بیک التیوز طقسان اوچ
غروشدن عبارت اوله رق هر برلرینک حصه سته
اصابت ایدن مبالغه نسبتله دعوی مذکوره قابل
استیناف اولدینی حالده استیناف استدعاسنک
عن الغیاب قبوله قرار ویرلمسی مغایر قانون
اولدینی کی دعوی مذکوره حقنده اولجه یمین
قراری متضمن صادر اولان اعلام ابتدائی
علیهن کندولرینک اقامه ایلدکلری استیناف
دعواسی دخی بوقطه دن قبول ایلدیه رک رد
ایلدش ایکن اخیراً استدعای مذکورک بروجیه
محرر قبول ایلمسی یکدیگره مبین بولن دینندن
بجمله اعلام غیابی مذکورک فسخی طلب وانبأ
قلمش ایسه ده اولبابده جریان ایدن محاکمه
وتدقیقات اوزرینه حکم ابتدائی مذکور اساساً
بروجه محرر سکر بیک کسور غروش اوزرینه
لاحق اوله رق قابل استیناف اولدینی جهته
قبولنه قرار ویرلش و اعلام مذکورک اولجه
قبل استیناف اولدینی یولنده صادر اولان قرار

ایلدکلری استیناف دعواسی اوزرینه حکم
مذکورک قابل استیناف اولدینغه قرار ویرلش
ایکن مؤخرأ حکم مذکورک استینافاً بالقبول
تدقیق ایلمسی یکدیگره مبین و مغایر قانون
اولدینندن بجمله اعلامک تقضی استدعاسندن
ومدعی لایحه جوابیه سی مالی دخی اعتراض
مذکورک غیر وارد اولدینی بیانیله ردی و اعلام
مذکورک تصدیق طلبندن عبارت بولمشد

ایجابی مذاکره اولدقده اعلام مذکور
مألندن اکلشلدینی اوزره طرفین متخاصمیندن
برسته نسبتله قابل استیناف اولیان بردعوانک
دیگرینه نظراً دخی قابل استیناف اوله میه جنی
احکام قانونیه مقتضیاتندن بولنمنه نظراً دعوی
واقعه نک اولجه مدعی به نسبتله قابل استیناف
اولدینغه قرار ویرلکدن صکره اخیراً مستأنفک
مدعی علیه اولسنه مبنی قابل استیناف اولدینغه
قرار ویرلمسی مبین ایکی قرارک وجودینی
احساس ایتدیرن احوال دن بولنمنغه مخالف قانون
اولدینندن اصول محاکمه حقوقیه قانوننک ایکوز
اوتوز ایکنجی ماده سی موجبجه اعلام مذکورک
تقضیه قانون مذکورک ایکوز فرق دردیجی
ماده سی حکمنه توفیقاً کیفیتک یکیدن بالرؤیه
اعلامه ربطی ضمنده محکمه مذکوریه اعاده سته

وزیرده مفرداتی مرقم اوچوز سکسان سکر
بجق غروش مصارف تمیزیه نک ایلروده حقسنز
چیه جق طرفه عائد اولق اوزره اول امرده
مستدعی تمیز خالص بک رفقاسندن اخذینه
۱۸ تشرین ثانی سنه ۳۱۳ تاریخده متفقاً قرار
ویرلدی .

بیوکدره جاده سنده درتیوز اون طقوز
نومرولی خانه ده ساکن دمارکی ومادام راوونی
ایله اوقاف نظارت جلیله سی پیننده متکون
دعویه دائر بک اوغلی بدایت محکمه سی برنجی
حقوق دائره سندن ۱۶ مایس سنه ۳۰۰ تاریخی
ودرتیوز طقسان ایکی عددی ایله صادر اولان
اعلام مرقومان دمارکی ومادام راوونی طرفلرندن
تمیز ایلمکله باش مدعی عمومیلک مأموریت
علیه سنک مطالعه نامه سی التقدن صکره اعلام
مذکورک یالکز مستدعیرک اعتراض لایحه سیله
بالمطالعه تدقیقات تمیزیه اجراسنه ایتدار اولندی

اعلام مذکورک خلاصه مالی نظارت
مشار الیها وکیلی نورالدین بک جزایرلی حسن

پاشا وقفندن اولوب بیوکدره جاده سنده کائن
اون التي نومرولی مقدا ساحخانه والیوم اخشاب
لوقظه ایله ارقه سنده واقع کدکلو برقطه
بوستانک متصرفی بولنان دومینقو مارکینک بلا
ولد وقوع وفاتیه محل مذکور محلول و جانب
وقفه عائد اولدیغندن مذکور خانه ده فضولی
اقامت ایتمکده ارلان مرقوم دمارکی ایله مادام
راوونیک اخراجیه مذکور لوقظه و بوستانک
جانب وقفه ترک و تسلیمینی طلب و دعوی ایتمی
و تعیین قلنان یوم محاکمه ده مدعی علیهمانک اجابت
ایتملری اوزرینه وکیل مسخر حضور یله
عن الغیاب اجرا قلنان محاکمه و تدقیقات نتیجه سنده
مذکور لوقظه و بوستانک محلولاتی تبین
ایتدیکندن بالتخلیه جانب وقفه ترک و تسلیمه دائر
صادر اولان اعلام غیابی علیهنده مرقومان
دمارکی و مادام راوونی طرفندن اعتراض علی الحکم
عرضالی اعطا قلندی حالده یوم معینه اجابت
ایتمش اولدقلرندن مذکور اعتراض استدعالرینک
ردینه حکمدن و اشبو حکم علیهنده مستدعی
تمیزلرک لایحه لرنده مندرج اعتراضلرینک
باشلوجه سی مذکور املاک اجاره و احده لو
اولوب دروننده کدک اولدیغنه ویدلرنده کی وقف
سندنده املاک مذکوره ورثیه انتقال ایدوب

وارث اولز ایسه جانب وقفه قالدجی محرر
و مرقوم دمارکی متوفای مرقومک لابوین
قرنداشی و وارثی اولدینی جهته املاک مذکوره یه
محلول نظریه باقیله میهنه جفی درکار ایکن درجه اولی
محکمه سنج بوراسنک نظر دقته التمه رق جانب
وقفه تسلیمه حکم ایدلسی یولسز و مغایر اصول
و قانون اولدیغندن اعلامک نقضی استدعاسندن
و مطالعه نامه مالی دخی لایحه تمیزیه ده سرد اولنان
اعتراضاتک موافق قانون کور یله مدیکی بیانندن
عبارت بولمشدر
ایجابی مذاکره اولندقدده اعلام مذکور
مأئندن منقهم اولدینی اوزره معترضلر تعیین
قلنان کونده محکمیه کدککلرندن بمحله اعتراض
علی الحکم استدعاسنک ردینه قرار ویرلمش
ایسه ده مرقومانک غیاباً محکوم اوله یلیری ایچون
مرقومانه ورقه دعوتیه تبلیغ و امضا ایتدیرلسی
لازم کلوب حالبوکه اشبو دعواده معترضلره
ورقه دعوتیه تبلیغ اولمیدینی حالده کدککلرندن
ناشی استدعالرینک ردینه قرار ویرلسی مخالف
اصول و قانون اولدیغندن اصول محاکمه حقوقیه
قانونک ایکوز قرق برنجی ماده سی موجب
اعلام مذکورک نقضه و قانون مذکورک ایکوز
قرق درنجی ماده سی حکمنه توفیقاً کیفیتک

غازی حسن پاشا وقفی مستقات سارهنده
جاری اصوله کوره بالرؤیه اعلامه ربطی ضمننده
محکمه مذکوره یه اعاده سنه وزیرده مفرداتی مرقم
اوچوز اوتوز اوچ بحق غروش مصارف
تمیزیه نک ایلروده حقسنز چقه جق طرفه رجوع
ایتمک اوزره اول امرده مستدعی تمیزدن النسنه
۲۵ شباط سنه ۳۱۳ تاریخده متفقاً قرار
ویرلدی .

ساعت سکزده محکمه مزبورده حضورنده فصل
ورؤیت اولنه جغندن یوم و وقت مزبورده
مدعی علیه مرقومانک بالذات محکمده حاضر
بولغلری و یاخود مصدق سندله بروکیل
کوندرملری لازم کله جکی و شاید کلز و وکیل
دخی کوندرملر لایسه معامله غیابیه اجرا اولنه جفی
معلوملری اولمق اوزره تنظیم اولنان اشبو
دعوتیه ورقه سی محکمه نک دیوانخانه سنه تعلیق
اولدینی کبی اوراق حوادث واسطه سیله اعلاننه
ایستدار قلندی .

۸ رمضان سنه ۳۱۷
۲۸ کانون اول سنه ۳۱۵

اعلان

قوم قبوده مقیم ایکن الیوم اقامتگاهلری
بیلکه میان صوتیری ولد یوان و یانی ولد یوان
ودامیانوسک یوندن یکر می درت سنه اقدم دیمو
قره میچونک متصرف اولدینی بیوک لغنده کائن
یکرمی نومرولی میخانه ده مستقر میخانه کدکی
اوزرینه ایکنجی محکمه تجارت معرفتیه وضع
ایتدکلری حجز احتیاطینک فکی حقنده متحجز
مومی الیهک ورثه سی و صیسی قوزمه طرفندن
اقامه اولنان دعوی بیک اوچوز اون بش
سنه سی کانون نایسنک سکرنجی جمعی ایتسی کونی

متوفی محمدنوری افندی ورثه سنک حدیجه
عصمت خانم ذمتده قسمت عسکریه محکمه سندن
ویریلان مقتضا اعلامی موجبیه الهجقلری مبالغ
معلومه نک تأمین استیفاسی ضمننده مرهون
بولنان ابوبده صوفیلر محله سنده و صوفیلر یقوشی
جاده سنده واقع سکز نومرو ایله مرقم بر باب
ملک منزل سکز حصه اعتبار یله حصه شایعه سنک
اشبو تاریخ اعلاندن اعتباراً اون بش کون صکره

اعلامات شرعيه اجرا دائره سنه مراجعت ايللري
دائرة مذكوره دن اعلان اولنور .
۲۰ كانون اول سنه ۳۱۵

فروخته تشبث اولنه جفتدن طالب اولانلرك پي
سورمك وبوندن دها زياده معلومات المق
ايستيانلرك مدت مذكوره ختامندن صكره
اعلامات شرعيه اجرا دائره سنه مراجعت ايللري
دائرة مذكوره دن اعلان اولنور .

۲۰ كانون اول سنه ۳۱۵

متوفي حبيبه خانم ورثه سندن عايشه الفت
خانمك حسن افا ذمتنده قسمت عسكريه محكمه سندن
ويريلان برقطعه اعلام شرعى موجب جبهه اله جنى
اولان مبالغ معلومه نك تأمين استيفاسى ضمننده
محجوز ودر سعادت برنجى حقوق محكمه سندن
ويريلان اعلامله فروختى محكوم بولنان قوم
قبوده ابراهيم پاشا محله سنده وجاده سنده كان
اون درت نومرولى برباب منزل بوندن اقدام
مزايده قونيله رق ليراي عثمانى يوز غروشدن
سكز بيك بشيوز غروش بدل ايله طالبي
اوزرنده تقرر ايتمش اولديغندن يوزده بش ضميله
بوندن دها زياده طالب اولانلرك اشبو تاريخ
اعلاندى اعتباراً اوتوز بركون ظرفنده اعلامات
شرعيه اجرا دائره سنه مراجعت ايللري دائرة
مذكوره دن اعلان اولنور .

۳۰ كانون اول سنه ۳۱۵

مطبعة عامه

متوفي محمد نوري افندي ورثه سنك اقبال خانم
ذمتنده قسمت عسكريه محكمه سندن ويريلان
مقتضا اعلامى موجب جبهه اله جفتلى مبالغ معلومه نك
تأمين استيفاسى ضمننده مرهون بولنان اسكداره
تابع بلغورلى قريه وجاده سنده واقع يتمش
طقوز نومرو ايله مرقم زمينى هداىي عزيز محمود
افندي وقفه مقاطعه لو اوزرنده موجود انيه
وكرومى ملك مع كوشك برقطعه باغك اشبو
تاريخ اعلاندى اعتباراً اون بش كون صكره
فروخته تشبث اولنه جفتدن طالب اولانلرك پي
سورمك وبوندن دها زياده معلومات المق
ايستيانلرك مدت مذكوره ختامندن صكره